

淨土五經讀本



釋迦牟尼教題



淨空法師 選定

淨土五經讀本

三寶弟子印贈

淨土五經讀本
PDG

◆ 量無德功 · 印翻迎歡 ◆

願以此功德
莊嚴佛淨土
上報四重恩
下濟三途苦
若有見聞者
悉發菩提心
盡此一報身
同生極樂國

淨土五經讀本

公元一九九六年十一月敬印壹仟冊

印贈者：曾淮生·曾林秀蘭·曾斐淑·曾信毅
曾釋嫻·吳健通·曾仁瀚

贈送處：

※華藏佛教圖書館

台北市文山區景中街三〇巷一二號五樓之三

※佛陀教育基金會

台北市杭州南路一段五十五號三樓

※達拉斯佛教會

(〇二)三九五——一九八

DALLAS BUDDHIST ASSOCIATION,

INC 515 APOLLO ROAD

RICHARDSON, TX 75081 U.S.A.

TEL:(214)234-4401 FAX:(214)234-8342

承印者：佳芳印刷有限公司

電話：(〇二)三三七——六六五九

Wt 484 / 16

印光大師開示

無論在家出家。必須上敬下和。忍人所不能忍。行人所不能行。代人之勞。成人之美。靜坐常思己過。閒談不論人非。行住坐臥。穿衣喫飯。從朝至暮。從暮至朝。一句佛號。不令間斷。或小聲念。或默念。除念佛外。不起別念。若或妄念一起。當下就要教他消滅。常生慚愧心及懺悔心。縱有修持。總覺我工夫很淺。不自矜誇。只管自家。不管人家。只看好樣子。不看壞樣子。看一切都是菩薩。唯我一人實是凡夫。果能依我所說修行。決定可生西方極樂世界。

南無阿彌陀佛！阿彌陀佛！

諸惡莫作。衆善奉行。自淨其意。
自淨其意。是諸佛教。

淨土五經讀本 目錄

△序 文

淨土五經讀本序

釋淨空

淨土五經重刊序

釋印光

△讀 本

佛說阿彌陀經

姚秦鳩摩羅什譯

七

佛說大乘無量壽莊嚴清淨平等覺經

民國夏蓮居會集

一四

佛說觀無量壽佛經

劉宋畺良耶舍譯

一七一

華嚴經普賢行願品

唐般若奉詔譯

一九七

楞嚴經大勢至菩薩念佛圓通章

唐般刺密諦譯

二一九

無量壽經優婆提舍願生偈

元魏菩提留支譯

二二一

△附 本

無量壽經（原譯本）

佛說無量清淨平等覺經

後漢支婁迦讖譯

二三五

佛說阿彌陀三耶三佛薩樓佛檀過度人道經

吳支謙譯

二八三

佛說無量壽經

曹魏康僧鎧譯

三二五

大寶積經無量壽如來會

唐菩提流志奉詔譯

三五六

佛說大乘無量壽莊嚴經

宋法賢奉詔譯

三八四

無量壽經（會集本）

佛說大阿彌陀經

佛說無量壽經

無量壽經

阿彌陀經（原譯本）

稱讚淨土佛攝受經

阿彌陀經（會集本）

佛說阿彌陀經

阿彌陀鼓音聲王陀羅尼經

後出阿彌陀佛偈經

觀世音菩薩得大勢菩薩受記經

拔一切業障根本得生淨土神咒

△附錄

阿彌陀經敘

觀無量壽佛經敘

普賢行願品敘

大勢至菩薩念佛圓通章序

重刊淨土四經跋

淨修捷要

宋王日休校輯

清彭際清節略

清魏默深會集

唐玄奘奉詔譯

民國夏蓮居會集

失譯人名開元附梁錄

後漢失譯師名

劉宋曇無竭譯

劉宋求那跋陀羅奉詔重譯

魏承貫

魏承貫

魏承貫

釋了然

楊文會

夏蓮居

四〇四

四三八

四六八

四八三

四九一

四九七

五〇〇

五〇一

五一二

五一五

五一六

五一七

五一八

五二〇

五二一

淨土五經讀本序

淨土法門，三根普被，羣經指歸。專說則有：無量壽經、阿彌陀經、十六觀經，是為淨土三經。清儒魏承貫源，益以華嚴行願品，合刊為四。印光祖師益以楞嚴勢至圓通章，遂與四經參之為五。是五經者，圓融性相，等攝羣生，誠如來一代時教之極談，一乘無上之大教。時當末法，其欲當生解脫者，無論自行化他，皆宜讀誦，俾悉淨土緣起、因果、事理，以為宣講行持之本。惟梵典西來，不一其時，譯師不一其人，故一經數譯，往往有之。三經之中，無量壽經東來最早，譯本特多，自漢至宋，凡十二種；後漸散佚，迨至宋元，僅存五譯，其文互有詳畧，其義不無異同。初學徧讀為艱，是以塵封大藏，持誦者

稀。彭二林云，此經闡揚者少，實由於無完本故，非虛語也。於是乃有王龍舒、彭二林、魏承貫，先後依經節會，稱三家節會本。前賢乃以得失互見，未能盡善盡美故。民初鄆城夏蓮居大士，復依五經會集，題曰『佛說大乘無量壽莊嚴清淨平等覺經』。夫節會經典，印光大師所不與，嘗慮以啓人改經之端，致有闢佛之流，藉謂佛經皆後人編造，非從佛國譯來者。但以諸譯與會集彙而刊之，原譯俱在，自不容他人之誣也。且夏氏會集本，非前人所能及，縱後有欲踵之者，使見此本，亦當擱筆，梅擷芸大士讚之備矣。大士並云『蓮公此本欲導行者遍觀各譯，廣獲法益，擴心目，堅信向，使無人持誦之古本，光顯於世，此其慘淡經營報佛深恩之苦心也！』善哉斯言，印祖如及

見之，所慮或可釋然。余弘淨法，往來美加各國諸名城，以及香港南洋等地，每遇聽衆樂於讀誦經文，輒為讚歎不已，惟見所讀之五經，或為小本，或大本但為一譯，不完之憾時縈於懷。近年過香港，屢獲善本諸經，且大本諸譯齊備，節會並臻。絕版善本，一時珍聚於斯，其義可思議哉。爰彙輯之，附以往生論，刊為『淨土五經讀本』。修淨業者，獲讀如是經論之全，非多善根福德因緣不可得也。

一九八八年歲次戊辰孟秋上澣釋淨空序於溫哥華

淨土五經重刊序

淨土法門。其大無外。三根普被。利鈍全收。九界眾生。捨此。則上無以圓成佛道。十方諸佛。離此。則下無以普度羣萌。一切法門。無不從此法界流。一切行門。無不還歸此法界。若論大機所見。肇始實在華嚴。以善財徧參知識。末後於普賢座下。蒙其威神加被。所證者與普賢等。與諸佛等。是爲等覺菩薩。普賢乃以十大願王。勸進善財。及與華藏海眾四十一位法身大士。同向往生西方極樂世界。以期圓滿佛果。而爲華嚴一經歸宗結頂之法。然則華嚴明一生成佛之法。而歸宗於求生淨土。是知淨土一法。乃十方三世一切諸佛。上成佛道。下化眾生。成始成終之無上大法也。此殆大機所見。二乘尙不見聞。況具縛凡夫乎。迨至方等會上。特爲專說淨土三經。俾一切若凡若聖。同事修持。以期現生出此。

五濁登彼九蓮也。佛在摩竭提國、靈鷲山中。說阿彌陀佛最初因地。棄國出家。發四十八願。又復久經長劫。依願修行。迨至福慧圓滿。得成佛道。所感之世界莊嚴。妙莫能名。十方諸佛咸讚歎。十方菩薩與同小向大之二乘。具足惑業之凡夫。咸得往生。等蒙攝受。是爲無量壽經。於摩竭提國王宮中。說淨業三福。十六妙觀。俾一切眾生悉知是心作佛。是心是佛。諸佛正徧知海。從心想生。則是心作眾生。是心是眾生。眾生煩惱業海。從心想生之義。便已彰明校著。果能深明此義。誰肯枉受輪迴。未明九品生因。以期各修上品。是爲觀無量壽佛經。在舍衛國。給孤園中。說淨土依正妙果。令生信。勸諸聞者。應求往生以發願。復令行者。執持名號以立行。信願行三。爲淨土法門之綱宗。具此三法。或畢生執持。已得一心。或臨終方聞。止稱十念。均得蒙佛接引。往生西方。是爲阿彌

陀經。此三、乃專談淨土之經。而阿彌陀經攝機尤普。以故禪教律各宗。咸皆奉爲日課焉。諸大乘經。帶說淨土者。多難勝數。而楞嚴經大勢至念佛圓通章。實爲念佛最妙開示。眾生果能都攝六根。淨念相繼。以念。豈有不現前當來。必定見佛。近證圓通。遠成佛道乎哉。故將此章。列於三經之後。而以普賢行願品殿之。以成淨土法門之一大緣起。令諸閱者。知此一法。大暢佛懷。較彼仗自力斷惑證真。以了生死者。其難易奚啻天淵懸殊。以故九界同歸。十方共讚。千經俱闡。萬論均宣也。金陵淨土四經板。已經模糊。修淨業者。苦無最清爽之讀本。因爲鑄板。以勢至念佛圓通章。附於三經之後。稱爲淨土五經。若論法門緣起。宜以無量壽經爲首。今爲便於讀誦。故以阿彌陀經爲首。閱者諒之。

民國二十二年歲次癸酉夏曆元旦常慚愧僧釋印光謹撰

佛說阿彌陀經

姚秦三藏法師鳩摩羅什譯

如是。我聞。一時。佛在舍衛國祇樹給孤獨園。與大比丘僧千二百五十人俱。皆是大阿羅漢。眾所知識。長老舍利弗。摩訶目犍連。摩訶迦葉。摩訶迦旃延。摩訶俱絺羅。離婆多。周利槃陀伽。難陀。阿難陀。羅睺羅。憍梵波提。賓頭盧頗羅墮。迦留陀夷。摩訶劫賓那。薄拘羅。阿菟樓駄。如是等諸大弟子。并諸菩薩摩訶薩。文殊師利法王子。阿逸多菩薩。乾陀訶提菩薩。常精進菩薩。與如是等諸大菩薩。及釋提桓因等。無量諸天大眾俱。爾時佛告長老舍利弗。從是西方過十萬億佛土。有世界名曰極樂。其土有佛。號阿彌陀。今現在說法。舍利弗。彼土何故名爲極樂。其國眾生。無有眾苦。但受諸樂。故名極樂。又舍利弗。極樂國土。七重欄楯。七重

羅網。七重行樹。皆是四寶。周帀圍繞。是故彼國名爲極樂。又舍利弗。極樂國土。有七寶池。八功德水。充滿其中。池底。純以金沙布地。四邊階道。金、銀、琉璃、玻璃。合成。上有樓閣。亦以金、銀、琉璃、玻璃、硨磲、赤珠、碼瑙。而嚴飾之。池中蓮華。大如車輪。青色、青光、黃色、黃光、赤色、赤光、白色、白光。微妙香潔。舍利弗。極樂國土。成就如是功德莊嚴。又舍利弗。彼佛國土。常作天樂。黃金爲地。晝夜六時。雨天曼陀羅華。其土眾生。常以清旦。各以衣祴。盛眾妙華。供養他方十萬億佛。卽以食時。還到本國。飯食。經行。舍利弗。極樂國土。成就如是功德莊嚴。復次。舍利弗。彼國常有種種奇妙雜色之鳥。白鶴、孔雀、鸚鵡、舍利、迦陵頻伽、共命之鳥。是諸眾鳥。晝夜六時。出和雅音。其音演暢五根、五力、七菩提分、八聖道分。如是等法。其土眾生。聞是音已。皆悉念佛、念法、念僧。舍利弗。汝勿謂此鳥實是罪報。

所生。所以者何。彼佛國土。無三惡道。舍利弗。其佛國土。尚無惡道之名。何況有實。是諸眾鳥。皆是阿彌陀佛。欲令法音宣流。變化所作。舍利弗。彼佛國土。微風吹動。諸寶行樹。及寶羅網。出微妙音。譬如百千種樂。同時俱作。聞是音者。自然皆生念佛念法念僧之心。舍利弗。其佛國土。成就如是功德莊嚴。舍利弗。於汝意云何。彼佛何故號阿彌陀。舍利弗。彼佛光明無量。照十方國。無所障礙。是故號爲阿彌陀。又。舍利弗。彼佛壽命。及其人民。無量無邊阿僧祇劫。故名阿彌陀。舍利弗。阿彌陀佛。成佛已來。於今十劫。又。舍利弗。彼佛有無量無邊聲聞弟子。皆阿羅漢。非是算數之所能知。諸菩薩眾。亦復如是。舍利弗。彼佛國土。成就如是功德莊嚴。又。舍利弗。極樂國土。眾生。生者。皆是阿鞞跋致。其中多有一生補處。其數甚多。非是算數所能知之。但可以無量無邊阿僧祇說。舍利弗。

眾生聞者，應當發願，願生彼國。所以者何？得與如是諸上善人俱會一處。舍利弗，不可以少善根、福德、因緣，得生彼國。舍利弗，若有善男子、善女人，聞說阿彌陀佛，執持名號，若一日，若二日，若三日，若四日，若五日，若六日，若七日，一心不亂，其人臨命終時，阿彌陀佛與諸聖眾，現在其前，是人終時，心不顛倒，即得往生阿彌陀佛極樂國土。舍利弗，我見是利，故說此言。若有眾生聞是說者，應當發願，生彼國土。舍利弗，如我今者，讚歎阿彌陀佛，不可思議功德之利，東方亦有阿閼鞞佛，須彌相佛，大須彌佛，須彌光佛，妙音佛，如是等恆河沙數諸佛，各於其國出廣長舌相，徧覆三千大千世界，說誠實言。汝等眾生，當信是稱讚不可思議功德，一切諸佛所護念經。舍利弗，南方世界有日月燈佛，名聞光佛，大燄肩佛，須彌燈佛，無量精進佛，如是等恆河沙數諸佛，各於其國出廣

長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。西方世界。有無量壽佛。無量相佛。無量幢佛。大光佛。大明佛。寶相佛。淨光佛。如是等恆河沙數諸佛。各於其國出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。下方世界。有師子佛。名聞佛。名光佛。達摩佛。法幢佛。持法佛。如是等恆河沙數諸佛。各於其國出廣長舌相。徧覆三千大千世界。說誠實言。汝等眾生。當信是稱讚不可思議功德。一切諸佛所護念經。舍利弗。上方世界。有梵音佛。宿王佛。香上佛。香